

亥 61
76

竹齋醫學叢刊



竹齋醫學叢刊 目錄

卷上

周官醫師輯註

關中歷代名醫傳

傷寒雜病論集註序

校訂傷寒病論讀本緒言

經方藥性辨序

鍼灸經穴圖考序

灸法輯要序

內經類編序

卷下

國醫大學等級年限資格科目教材標準草案

中央國醫館第二屆全國醫藥界代表大會提案三則

(一)爲提議募提重修南陽醫聖祠享殿以崇先聖而揚國光案

(二)爲呈請規定祭祀醫聖日期以報功德而資紀念案

(三)爲擬編纂國醫婦兒內外證治全書案

審查統一病名草案意見書

修訂國醫公報簡章

謁南陽醫聖張仲景祀墓記

附致南陽縣長函

寧波訪求仲景遺書記

中華醫藥學術發明於三皇說

西醫謂傷寒爲腸壅扶斯之討論

瘡病原因中西不同之討論

西京藥業公會演講詞



周官醫師輯註

天官冢宰治官之屬

醫師。上士二人、下士四人、府二人、史二人、徒二十人、

醫師，醫衆之長。冢宰王躬是保，練

。醫師治官之屬，士府史徒計三十人。上士下士主治療，府掌會計藥物器俱，史掌文書政令醫案，徒供役使看護病人也。○魏氏校曰，通乎方技者可爲醫工，不可爲醫師。醫師通乎道者也，不能兼衆醫之技，能盡衆

醫之長，此師道也。

醫師掌醫之政令，聚毒藥以供醫事。

政令謂物產之宜，採取之候，治煉之方，攻療之制，以及典禮法律條規之類。王氏明齋曰，毒藥得天地之偏氣，寒熱之

性過甚者也。人身有不和之氣，須以偏勝之物攻之，乃得其平。內經云，毒藥攻邪，是也。○鄭三山曰，瘍醫職，以五毒攻之，以五藥療之，則毒與藥二物也。藥之毒與不毒者，皆不可以卒求，不可不早收而豫蓄也

。凡邦之有疾病者，有疔瘍者造焉，則使醫分而治之。

疔音比，瘍音羊，造七報反。○氣失其平則爲疾，疾甚謂之病。疾病，內科

證也。疔頭瘡也，亦謂之禿瘡。瘍癰疽也，疔瘍外科證也。分而治之者，專門則業精也。

歲終，則稽其醫師，以制其食。十全爲上，十失一

次之，十失二次之，十失三次之，十失四爲下。

食，祿也。全謂診斷中也。醫士治療各有案記，歲終總考計之，以損益其祿，此所謂醫之政令也。

食醫中士二人。掌和王之六食、六飲、六膳、百羞、百醬、八珍之齊。

六食之食音嗣下食齊膳
食同齊去聲通劑和法

聲(六食，謂稌，黍，稷，粱，麥，苽，六穀之食。六飲，謂水，漿也，六膳謂牛，羊，豕，犬，雁，魚，六牲之膳。羞出於牲及禽獸，以備滋味，其物數庶，難以悉舉，謂之

百者以成數言也。醬謂醢醢之類，醢有五齋，七醢，七菹，三醢，其名甚繁，故亦謂之百。所謂五齋者，昌本，脾析，蜃，豚，拍深，蒲也。七醢者，醢，羸，羶，蜚，魚，兔，雁也。七菹者，韭，菁，茆，芹，

並膳夫所掌，而食醫和其齊者，酌天時與王氣體之所宜也。所謂齊者，調和其味，使多宜。厚薄各適其節也。

凡食齊眠春時、羹齊眠夏時、醬齊眠秋時、飲齊眠冬時。

也，言飯之齊和四時常溫，比

於春時。羹齋四時常熱，比於夏時。醬齋四時常涼，比於秋時。飯齋四時常寒，比於冬時。王氏明齋曰：五穀食之主，故宜溫。羹所以調食，故宜熱。醬所以致滋味，故宜涼。飲主飲渴，故宜寒。

凡和。

春多酸、夏多苦、秋多辛、冬多鹹、調以滑甘。

洪範云，木曰曲直，曲直作酸。火曰炎上，炎上作苦。金曰從革，從革作辛。水曰潤下，潤下作鹹。土爰

稼穡，稼一作甘。素問云，肝屬木王於春，心屬火王於夏，肺屬金王於秋，腎屬水王於冬，脾屬土王於四季。故官順時令，多食其味以助藏氣也。多者多於餘味分。五行土爲主，五味甘爲上。滑者通利往來，所以

調四味通九竅，故曰調以滑甘。凡會膳食之宜，牛宜稌，羊宜黍，豕宜稷，犬宜粱，雁宜麥，魚宜菰。

會如字
稌音杜

旅音孤○會者膳食之性各有相宜，會而合之，使氣味相成也。除稻也，菰離胡也，俗名菱白，結實如米，古為六穀之一。○王氏明齋曰，凡物性，有同類以助其生者，有相待以洩其過者，合食則能益人。有相反而為

忌者，合食則能害人。牛、餘、士、羊、黍、火、豕、稷、水，犬、梁、金、鴈、麥、陽、魚、苽、陰，同其所稟，故合食為宜。凡君子之食恆放焉。食如字放上聲○放猶依也。謝氏上蔡曰，古人不致滋味。

而衛生之道則盡矣。○陳氏汲曰，食醫職，專和飲食而不治醫事，防于未病之前無所致疾也。

疾醫中士八人掌養萬民之疾病。王氏東巖曰，五藏六府之氣偏勝，則疾病因之而作。養之者，調其有餘不足，而使之平也。四時皆有瘡

疾，春時有瘡首疾，夏時有痒疥疾，秋時有瘡寒疾，冬時有嗽上氣疾。瘡音厲，消音消，痒移兩反上上聲○瘡疾

，謂六淫乖戾之氣所致之疾。瘡，酸削也。首疾，頭痛也。痒，膚癢也。疥，皮膚之疾時作癢也。瘡，寒熱往來之疾，寒惡寒也。嗽，欬也，上氣逆喘也。素問云，春氣者病在頭，夏氣者病在藏，秋氣者病在肩背，冬氣

者病在四肢。故春善病欬衄，仲夏善病胸脇，長夏善病洞泄寒中，秋善病風瘧，冬善病痺厥。又云，春傷於風，邪氣留連，乃為洞泄。夏傷於暑，秋為痎瘧。秋傷於溼，上逆而欬，發為痿厥。冬傷於寒，春必溫病。溫

病無不頭痛，而致肌肉消燂，所謂首疾也。洞泄，蓋即痒疥疾之互辭。以五味、五穀、五藥養其病。五味謂酸，苦，甘，辛，鹹。五穀，謂麥，稷，稻，麻，豆。五藥，謂草

，木，蟲，石，穀。養，猶治也。病由氣勝負而生，養則瀉其實補其虛。○王氏臨川曰，素問形不足溫之以氣，精不足補之以味。味，養精者也。穀養形者也，藥則療病者也。養精為本，養形次之，療病為末。

以五氣、五聲、五色、眡其死生。五氣，謂五藏之氣，肺氣通於鼻，心氣通於舌，肝氣通於目，脾氣通於口，腎氣通於耳也。五聲，肝呼，心笑，脾歌，肺哭，腎呻也。五

色，肝青，心赤，脾黃，肺白，腎黑也。王氏昭禹曰，素問五藏之象，可以類推，五藏之音可以意識，五藏徵驗可以目察。五氣則可以類推者也，五聲則可以意識者也，五色則可以目察者也。賀潛谷曰，味穀藥皆五為百穀百藥，故投所合而和，取所勝以攻，用所相為養。兩之以九竅之變，參之以九藏之動。

九竅者陽竅七，兩目，兩鼻，兩耳，及口也。陰竅二，魄門，水道也。素問肝開竅於目，心開竅於耳，脾開竅於口，肺開竅於鼻，腎開竅於二陰。九藏謂神藏五，形藏四，合為九藏也。神藏五者，肝藏魂，心藏神，脾藏意，肺藏魄，腎藏志也。形藏四者，一頭角，二耳目，三口齒，四胸中也。此三部九候診法。易山齋曰，九竅見於外，觀其證之變，而有通塞之二候，故曰兩。五藏藏於內。察其脈之動，而有浮中沉之三部，

故曰參。凡民之有疾病者，分而治之，死終，則各書其所以而入于醫師。鄭氏康成曰，少者曰死，老者曰終，

所以謂治之不愈之狀也。醫師得以制其祿，且為後治之戒。

瘍醫，下士八人，掌腫瘍、潰瘍、金瘍、折瘍之祝藥、副殺之齊。
折時設反祝音竹副音同齊通劑腫瘍疽也，屬陰。潰瘍癰也，屬陽。金瘍刀創也，折瘍跪跌也。祝，謂以祝由禁之。藥謂以敷藥治之。副謂以刀鍼之器刮去膿血。殺謂以殺腐之毒蝕其惡肉。齊謂齊量之宜。王氏臨川曰，醫術移精變氣有祝由之法，而瘍尤宜祝，後世有以氣封

瘍而徙之者，蓋祝由之遺法也。祝之不勝，然後藥，藥之不勝，然後副，副之不勝，然後殺。

凡療瘍以五毒攻之，以五氣養之，以五藥療之，以五味節之。

氣依注當作穀。鄭氏康成曰，止病曰療。政治也。五毒五藥之有毒者，今醫方有五毒之藥。作之合黃慈置石膽丹砂雄黃礬石慈石其中，燒之三日三夜，其煙上著，以雞羽掃取

之。以注創，惡肉破，骨則盡出，既剗殺而攻盡其宿肉，乃養之也。五氣當為五穀，字之誤也。節節成其藥之力。〔肘後附方〕故翰林學士楊億嘗筆記直史館，楊岷年少，時有瘍生於頰，連齒輔車，外腫若覆碗，

內潰出膿血不輟，吐之痛楚難忍，療之百方，彌年不差。人語之，依鄭法合燒，藥成注之創中，少頃朽腐連兩牙潰出，遂愈。後更安寧，信古方攻病之速也。黃瑩若今市中所貨有蓋瓦合也。近世合丹藥獨用黃瓦，

亦名瑩，事出於古也。瑩音武。

凡藥以酸養骨、以辛養筋、以鹹養脈、以苦養氣、以甘養肉、以滑養竅。

素問，辛甘發散為陽，酸苦涌泄為陰，鹹味涌泄為陰，淡味滲泄為陽。六者或收，或散，或緩，或急，或燥，或潤，或軟，或堅，以所利而行之，調其氣使平也。鄭康成曰，以類相養也，酸木味，木根立地中似骨，

辛金味，金之纏合異物似筋。鹹水味，水之流行地中似脈。苦火味，火出入無形似氣。甘土味，土含載四者似肉。滑滑石之類，凡諸滑物通利往來似竅。

凡有瘍者受其藥焉。

獸醫下士四人掌療獸病、療獸瘍。

獸醫內外之證同科，重人賤畜義也。

凡療獸病、灌而行之、以節之、以動

其氣、觀其所發而養之。

鄭康成曰，節趨驟之節也。氣謂脈氣。獸病難知，必灌以緩之，且強其氣也，既行之乃以脈視之以知所病。

凡療獸瘍、灌而

翻之以發其惡、然後藥之、養之、食之。

食音嗣。王氏東巖曰，藥以除其害，養以和其氣，食以充其體，此療獸瘍之序也。

凡獸之有病

者、有瘍者、使療之、死則計其數以進退之。

賈氏公彥曰，亦謂據功過進退其祿也。

葉氏竹埜曰：觀民之疾病有醫，見先王仁民之心。觀獸之病瘍有醫，見先王愛

物之心。所謂民無夭札。物無疵癘者。由此矣。

案周官此章之文。字字珠璣。無一語不本於內經。由是知素問靈樞爲西周醫
師之教典。無可疑矣。而劉向謂爲諸韓公子所作。未見周官故也。程子謂出戰
國之末。蓋未詳考也。

關中歷代名醫傳

神農

（帝王世紀）炎帝神農氏長於姜水。

「路史」扶風姜陽有姜氏城南有姜水「一統志」鳳翔府寶雞縣南七里

有姜氏城城南有姜水

因而姓

姜。生有聖德，始教天下耕種五穀而食之，以省殺生之弊。嘗味草木，宣藥療疾，以

救夭傷之命。百姓日用而不知，著本草四卷。

「素問」著至教論「上古神農著至教疑於二皇」唐賈公彥周禮疏「疾醫下引張仲景金匱云神農能嘗

百藥「甲乙經序」上古神農始嘗草木而知百藥伊尹以亞聖之才撰用神農本草以為湯液「漢志」有神農黃帝食禁七卷「搜神記」神農赭鞭鞭百草盡知其平毒寒溫之性臭味所主以播百穀掌禹錫曰舊說本草經三卷神農所作

而不經見漢書藝文志亦無錄焉漢平帝紀云元始五年舉天下通知方術本草者所在輶傳遣詣京師樓護傳稱護少謫醫經本草方術數十萬言本草之名蓋見於此唐李世勣等以梁七錄載神農本草經三卷推以為始又疑所載郡縣有後

漢地名似張機華陀輩所為皆不然也淮南子云神農嘗百草滋味一日而七十毒由是醫方興焉蓋七世末著文字師學相傳謂之本草兩漢以來名醫益衆張華輩始因古學附以新說通為編述本草繇是見於醫錄

案神農之嘗味草木以療民疾，為我國始制醫藥之鼻祖。世傳本草經三卷，藥

分上中下三品，合三百六十五種，法周天三百六十五度，一度應一日以成一

歲其所載氣味主治頗多上古流傳精義非聖神莫能作也不惟爲醫療制方之圭臬且爲理化工藝之淵藪如所云硫黃能化金銀銅鐵奇物朴消能化七十二種石是爲近世硫酸消酸之嚆矢。絲斯可見我國上古理化發明之一斑。惟其間輕身不老之說乃秦漢時方士之所傳會致多張皇失實是在讀者甄別耳。

岐伯

（帝王世紀）岐伯黃帝臣也。

「路史」古有岐伯至古公避狄遷岐之陽今鳳翔岐山縣西北有岐城故址

帝使岐伯嘗味草木典主

醫疾經方本草素問之書咸出焉。

「甲乙經序」黃帝咨訪岐伯伯高少俞之徒內考五藏六府外綜經絡血氣色候參之天地驗之人物本性命窮神極變而鍼道生焉其論

至妙雷公受業傳之於後案七略藝文志黃帝內經十八卷今有鍼經九卷素問九卷二九十八卷即內經也亦有所亡失其論遐遠然稱述多而其事少有不編次比案倉公傳其學皆出於素問論病精微九卷是原本經脈其義深奧不易覺也

又有名堂孔穴鍼灸治要皆黃帝岐伯選事也「唐王冰素問序」班固漢書藝文志黃帝內經十八卷素問即其經之九卷也兼靈樞九卷迺其數焉「宋林億素問序」在昔黃帝之御極也以理身緒餘治天下坐於明堂之上臨觀八極考建

五常以謂人之生也。負陰而抱陽。食味而飲色。外有寒暑之相盪。內有喜怒之交侵。天昏札瘥。國家代有將欲。歛時五福。以敷錫厥庶民。乃與岐伯上窮天紀。下極地理。遠取諸物。近取諸身。更相問難。垂法以福萬世。於是雷公之倫。受業傳之。而內經作矣。

案岐國名。伯爵號。岐伯者。蓋黃帝時之諸侯。通天人之理。而精於醫道者。故帝崇之以天師之號。咨之而作內經。我國治療原理之學。淵源於此。內經王啓玄子謂即素問靈樞。今考周官醫師一章。無一字不本於內經。是知內經嘗爲西周王朝醫師之教典。逮羅犬戎之亂。王室板蕩。其典籍散失民間。秦越人得之而述難經。而劉向指爲諸韓公子所作。未見周官故也。程子謂出戰國之末。殊失考矣。茲證以靈樞房昴爲緯。虛張爲經之文。與今時天象室軫爲緯。尾參爲經。相差六十餘度。黃帝即位。詎民國紀元四千六百零八年。以恆星每歲東行五十二秒推之。若合符節。絲是知前賢謂爲三墳遺典。信矣。惜自晉永嘉亂後。

亡其第七一卷。至唐寶應時，王冰乃取其先師張公所藏陰陽大論數篇以補其闕。然運氣之說，是陰陽術數之學，無關治療，徒增理障，讀者不以瑕掩瑜可也。

醫跽

（尸子）醫跽者，秦之良醫也。爲宣王割痤，爲惠王治痔，皆愈。張子之背腫，命跽治之，謂曰：「跽，背非吾背也，任之制焉。」治之遂愈。跽，誠善治疾也。

扁鵲

（史記）扁鵲者，「正義」黃帝八十一難序云：秦越人與軒轅時，扁鵲相類，仍號之爲扁鵲。勃海郡鄭人也。徐廣曰：鄭當爲鄆，鄆縣名，今屬河南。一陝西古蹟志：扁鵲城在城

固縣西南四十里，相傳扁鵲嘗居此。一本雍勝略。

姓秦氏，名越人。少時爲人舍長，守舍以待賓客。舍客長桑君過。案醫說稱：秦長桑君必有所據。

是長桑君亦秦人也。

扁鵲獨奇之，常謹過之。長桑君亦知扁鵲非常人也，出入十餘年，乃呼扁

鵲私坐間與語曰

問音

我有禁方年老欲傳與公公毋泄

非祕密其術以專利也蓋尊重其道不得不爾

扁鵲曰

敬諾乃出其懷中藥予扁鵲飲是以上池之水三十日當知物矣

「案隱」舊說云上池水謂水未至地蓋

承取露及竹木上水取之以和藥服之三十日當見鬼物也戰國策云長桑君飲扁鵲以上池之水能洞見藏府注云上池水半天河也

乃悉取其禁方書盡與扁鵲忽然

不見殆非人也

道傳而身隱神龍見首不見尾長桑君誠高士人也

扁鵲以其言飲藥三十日視見垣一方人

「案隱」方猶遠

也言能隔牆見彼邊人則服通神也

以此視病盡見五藏癥結

此即佛家所謂天眼通是也近世英人鑾琴發明一種光線能透視肉體可證此言非虛

特以診脈

爲名耳爲醫或在齊

「正義」號盧醫今濟州盧縣

或在趙在趙者名扁鵲當晉昭公時

「案隱」案左氏簡子專國在定頃

二公之時非當昭公之世且趙世家敘此事亦在定公之初

諸大夫彊而公族弱趙簡子

名

映爲大夫專國事簡子疾五日

不知人大夫皆懼於是召扁鵲扁鵲入視病出董安于問扁鵲

「趙世家注」韋昭曰安於簡子家臣

扁鵲曰血脈治也而何怪

案此亦尸厥之類甲乙經所謂尸厥者死不知人脈動如故

昔秦穆公嘗如此七日而寤寤之

日告公孫支與子輿

「案隱」二子皆秦大夫公孫支子桑也子輿未詳

曰我之帝所甚樂吾所以久者適有所學

也。「索隱」適音釋言我適來有所受教命故云學也帝告我晉國且大亂五世不安其後將霸未老而死霸者之

子且令而國男女無別公孫支書而藏之秦策於是出。「趙世家」一作秦識於是出矣夫獻公之亂文

公之霸而襄公敗秦師於殽而歸縱淫此子之所聞。「封禪書」秦繆公立病臥五日不寤乃言夢見上帝上帝命繆公平晉亂史書

而記載之府而後世皆曰秦繆公上天案秦繆公事又見韓非子今主君之病與之同不出三日必間間必有言也居一日

半簡子寤語諸大夫曰我之帝所甚樂與百神遊於鈞天廣樂九奏萬舞不類三

代之樂其聲動心有一熊欲援我帝命我射之中熊熊死有羆來我又射之中羆

羆死帝甚喜賜我二笥皆有副吾見兒在帝側帝屬我一翟犬曰及而子之壯也

以賜之帝告我晉國且世衰七世而亡。「正義」晉定公出公哀公幽公烈公孝公靜公爲七世靜公二年爲三晉所滅據此及趙世家簡子疾在定公之十一年

嬴姓將大敗周人於范魁之西。「正義」嬴趙氏本姓也周人謂爲衛也晉亡之後趙成侯三年伐衛取鄉邑七十三是也賈逵云川阜白魁也而亦不能

有也。「史記菁華錄」羆姓指秦此則趙亡之讖指秦二世而亡亦可董安于受言書而藏之以扁鵲言告簡子簡子賜扁

鵲田四萬畝。以上事又見趙世家其後扁鵲過虢，虢太子死。「索隱」傳云：「虢是晉獻所滅，先此百二十餘年，此時焉得有虢？則此云虢太子非也。然案虢後改稱。」

郭春秋有郭公，蓋郭之太子也。」「說苑辨物篇」作趙太子死。扁鵲至虢宮門下，問中庶子喜方者。「正義」中庶子古官號也。喜方好方術，不書姓名也。曰：

太子何病？國中治穰過於衆事。「韓詩外傳」作吾聞國中卒有土壤之事，得無有急乎？穰通穰，中庶子曰：「太子病，血氣不

時，交錯而不得泄，暴發於外，則爲中害，精神不能止邪氣，邪氣積畜而不得泄，是

以陽緩而陰急，故暴蹶而死。「索隱」蹶音厥。「正義」釋名云：「蹶氣從下蹶起上，行外及心脅也。」中庶子之言亦自明白，故稱喜方者。扁鵲曰：「其死何


如時？」曰：「雞鳴至今。」曰：「收乎？」曰：「未也。」「集解」駟案收謂棺斂其死未能半日也。」「金匱要略」救自縊死，旦至暮雖已治，必可以治，暮至

旦小難也，恐此當言陰氣盛故也，與此節相發。言臣齊勃海秦越人也，家在於鄭。案此猶云東西南北之人也。未嘗得望精光，侍謁

於前也。聞太子不幸而死，臣能生之。中庶子曰：「先生得無誕之乎？何以言太子可

生也？」臣聞上古之時，醫有俞跗。「正義」應劭云：「黃帝時將也。」治病不以湯液醴灑，鑠石，鑿引，案杌，毒

熨。玩音一撥見病之應，因五藏之輸，乃割皮解肌，訣脈結筋，搦髓腦，揲荒，爪幕，湔



浣腸胃、漱滌五藏、練精易形。

樸音舌案此蓋三國華陀之術所本而今時西法割證之濫觴「說苑」中右之為醫者曰俞拊俞拊之為醫也搗腦髓束盲莫炊灼九竅而定經絡死人復

為生人故曰俞拊「韓詩外傳」一蹶拊之為醫也搗木為腦芷草為軀吹竅定腦死者復生

先生之方能若是則太子可生也不能若是而欲

生之曾不可以告咳嬰之兒終日扁鵲仰天歎曰夫子之為方也若以管窺天以

郗視文越人之為方也不待切脈

「正義」楊玄操云切按也

望色聽聲寫形言病之所在聞病之

陽論得其陰聞病之陰論得其陽病應見於大表不出千里決者至衆不可曲止

也

芋田氏曰言病應至近非若千里之遙遠難徵不可以偏曲之見泥也越人論病只宗主陰陽二字便是超絕一世之解詳味其理即可通於太極圖說及箕鸞律歷之文也勿僅以方伎待之

子以吾言為

不誠試入診太子當聞其耳鳴而鼻張

「正義」音漲

循其兩股以至於陰當尚溫也中

庶之聞扁鵲言目眩然而不瞋舌撝然而不下乃以扁鵲言入報虢君虢君聞之

大驚出見扁鵲於中闕曰竊聞高義之日久矣然未嘗得拜謁於前也先生過小

國幸而舉之偏國寡臣幸甚有先生則活無先生則棄捐填溝壑長終而不得反